

BAHEBERU,

KHAOLO EA BOBELI ³

¶ Khaolo ea bo 7, bo 8, bo 9, bo 10, ho tloha mono, oh, khili! Tšoara pensele ea hao le pampiri, le ntho eohle, e lokile, kaha ke lumela Morena a tla re nea nako e kholo. Joale rea . . .

²¹⁸ Pauluse o a fapha o mo bea malulong, sebakeng, Morena Jesu. Joale, haeba re ka qeta sena bosiung bona, Sontaha hoseng . . . Etsoe boholo ba sena bo tla nyalana le Molaetsa oa Sontaha hoseng, hobane ke “ho khetholla sabatha.” Eo ke potso e kholo hara Masabatha kajeno. ‘Me ke le mema bohole ho eta Sontaha hoseng. Hoba, ebe le lokileng ke lefe, Moqebelo kapa Sontaha, leo ho rapeloang ka lona? Bibebe e reng ka lona? ‘Me ka baka leo, hore na . . . Buka ena e khetholla molao le mohau, ‘me E hloma ntho e ‘ngoe le e ‘ngoe malulong a eona. Baheberu ba holisitsoe ka molao, ‘me Pauluse o ne a ba bolella seo mohau le molao, li se sebelitseng.

²¹⁹ Joale, ha re haheng motheo nakoana feela. Re tlil’o qala morao.

²²⁰ Ebile, ke tšoere ligalase tse balang. Mohlomong nka khona . . . Haeba nka tšoha ke e—e qhala ntho, ke li tšoere. Lea tseba kahohle ke . . . Ke haelloa ke lilemo tse peli ho etsa mashome a mahlano, ha ke sa khona ho bona joaloka pele, haufi le ‘na. Mohla pono ea ka . . . Ke qala ke bona mantsoe a rothofala, ka hopola ke foufala. Ka tloha ka ea hlhalojoa. Ngaka ea re, “Che. U sa tsoa feta mashome a mane, mora.” Be, a re, ha nka phela ka tsafala ho lekana, e ka boela ea khutla, ka boela ka khutleloa ke pono eo e khutšoane. A re, “Joale, u ka bala Bibebe ea hao haeba u e sutuletsa hole le uena?”

²²¹ Ka re, “E.”

²²² Ho re, “Ka mora nakoana, sephaka sa hao se ke ke sa eba bolelele bo lekaneng.”

²²³ ‘Me ka hona ke—kea tšepa joale, tekolong ena, hore ke . . . Bibebe ea Collins ena e nyenyane le mongolo oa eona o bohareng. Ke khona ho o bala hantle haholo. Empa ha re fihla nthong e kholo, libakeng tse tebileng moo re tlamehang ho nka Testamente ea Ncha le ea Khale, le ho li nyallana ‘moho. Ke tšoere Scofield e nyenyane. ‘Me ke tloaetse Bibebe ea Scofield, litlhaku tsa eona. Ha ke bale linoutšu tsa Scofield joale, hoba ha ke lumellane le Scofield mehopolo ea hae—hae e mengata. Empa ke—ke rata kamoo e hlophisitsoeng, hobane e . . . Esale ke e bolokile nako e telele, le ho e bala, le ho e bala haholo, hofihlela ke tseba mokhoa oa ho fumana sehloho sa ka.

²²⁴ Taba ena eohle e ncha ho 'na, ea ho ruta, ha ke moruti ea mokaalo. Empa, le ke le 'mamelle nakoana, ke tla le borella 'Nete kamoo ke E tsebang, le hona.

²²⁵ Joale, Buka ena ke Pauluse, le hopole. E ne e le... Re mo fumane a le joang? E ne e le moruti e moholo, le ho qaleng, kapa mothuthi e moholo. 'Me o ne a koetlisitsoe Testamenteng ea Khale. O teng motho ea ka mpolellang hore re fumane moruti oa hae e ne e le mang? [Phutheho e re, "Gamaliele."—Mong.] Gamaliele, e mong oa baruti ba fafohileng ba letsatsi. 'Me e ntano ba Pauluse, rea fumana, ka tsatsi le leng...

²²⁶ Pele o ne a reiloe *Pauluse*, motho o teng ea ka mpolellang lebitso la hae la pele? [Phutheho e re, "Saule."—Mong.] Saule. 'Me e ne e le motho e moholo Jerusalema, bolaoli ba borapeli. 'Me o nyoloha e le—e le lethapisana la 'nete, monna oa morapeli. A ka bua lipuo tse 'ne kapa tse hlano tse fapaneng, e le monna ea bohlajana haholo. Be, ana o kile a thusoa ke thuto ea hae le masejana a hae? Che. O ipoletse a ile a tlameha ho li lebala tsohle, a tle a ithute Kreste.

²²⁷ Ka baka leo rea fumana, ke hona, ha e qose monna ea bohlajana kapa monna ea rutehileng. E qosa e—e monna ea ikemiselitseng ho ikokobeletsa Molimo, ho sa tsottelehe ka mokhoa ofe.

²²⁸ Na le tsebile Dwight Moody o ne—ne a sa ruteha hoo, ka botšepehi, lingoloa tsa hae li fokola hoo ke sa tsebeng. Ba lokela ho hlophisa melaetsa ea hae, ka linako tsohle. E—e ne e le mongoli ea fokolang haholo, a hlile a sa ruteha.

²²⁹ Na le tsebile Petrose le Johanne, ba Bibebe, ba ne ba sa ruteha hoo ba sa khonang ho ngola lebitso la bona, 'me ba ke ke ba le tseba haeba le robetse ka pela bona? Moapostola Petrose, ea neng a tšoere linotlolo tsa 'Muso, o ne a sa tl'o tseba lebitso la hae le ngotsoe ka pela hae. E nahaneng. Bibebe e boletse, ea re, "O ne a sa bala a sa ruteha." Ka hona, hoo ho mpha monyetla. Amen. E, monghali. Hoo ho ntse ho theoha, ho fumana Molimo a khona ho etsetsa motho hoo.

²³⁰ Joale, 'me rea fumana, hang hoba Pauluse a fumane boiphihlelo bo boholo... Ke batla ho le botsa. Na ho tla ho Kreste ke boiphihlelo? Na mang le mang o fumana boiphihlelo? [Phutheho e re, "E."—Mong.] E, monghali. E, monghali. Ke Tsoalo. Ke boiphihlelo. 'Me nakoana e fetileng keha re kene Lutheran College, nakoana e fetileng...

²³¹ Ke fumane monyetla thapama ena, motšeare, ke ne ke tlamehile ho fihla mono ka hora ea leshome le metso e 'meli, bakeng sa tinare le—le Tom Haire. Ba bakae ba utloetseng ka eèna, o a tsebahala, ke Moirishi, mohale oa thapelo? 'Me o ne a ena le Moena Epp enoa, lenaneong la hae, 'me o hlaha tulong tse ngata mona Amerika. 'Me kajeno ke jele tinare le eèna. 'Me

re ne re . . . Ke batla ke le morao ka lihora tse tharo. E batla e le mashome a mararo ka mora hora ea boraro, kotatra pele ho hora ea bone, ha re ne re ej. Empa ho ne ho le hotle. 'Me re ntse re qoqa ka lintho tsena, kamoo Jesu Kreste e leng Hlooho ea lintho tsohle.

²³² Joale, mohla Pauluse a ne a fumana sena, o ile a fumana boiphihlelo bona. 'Me le pele a amohela bophihlelo bona, bo tlameha ho khutlisetsoa Bibeleng. 'Me re fumana hore o—hore o ile a tloha a kena sechabeng se seng, 'me teng a qeta lilemo tse tharo, a batlisisa Mangolo, ho bona haeba boiphihlelo ba hae bo nèpahetse.

²³³ Joale, re mo fumane a tlameha ho tjamelana le ntho ea tonana. A tlameha ho khutla ho tla bolella kereke ea hae, batho bohole, eona ntho eo a e hlorisitseng e ne e e nèpahetse.

²³⁴ Na u kile ua tlameha ho etsa hoo? Ruri, bohole ba batla ba fetile moo, ba tlameha ho khutla le ho re, "Batho bao re kileng ra ba bitsa 'batethehi bahalaleli,' ke ba fihletse, ba nèpile." Ua bona? Ke eona. Re ne re tlamehe ho hlanoha. 'Me lintho tseo re kileng ra li hloea, joale rea li rata. Ke tšokolohlo, ntho e mohlolo.

²³⁵ Ah! Ke entse tlhahiso, ea "mothethehi mohalaleli." Ha ho ntho e kang eo. Ha ho ntho e kang eo. Empa, ba bitsa batho hoo, batho ba khalalelo. Empa ha ho batethehi bahalaleli. Ha ho ntho e joalo. Ha ho rekoto ea kereke e kileng ea rekotoa joalo, kamoo ke bonang, hara tse makholo a robong le mashome a tšeleta le ho hong, malumeling a fapaneng. Ha ho bolumeli bo kang mothethehi mohalaleli. E mpa e le e—e lebitso leo liabolosi a le qhoaetseng Kereke.

²³⁶ Empa ba ba bitsitse, letsatsing leo . . . Ba bakae ba tsebang seo ba ba bitsitseng sona letsatsing la Pauluse? Mahlanya. Le tseba seo *lehlanya* le se lekanyang? "Ho fapano hlooho." Ke batho ba fapaneng hlooho. Ka baka leo, nka hla ka reoa feela "mohalaleli mothethehi" ntho e kang "lehlanya." Lona le reng? Ka baka leo haeba—haeba ba bitsitsoe seo, 'me ba ile ba thaba hona!

'Me Jesu o re laetse ho etsang ka taba eo? O itse, "Le thabe, le nyakalle ka ho khapatseha; hobane mopupso oa lona o moholo Leholimong, hobane ba hlorisitse joalo baporofeta ba ttileng pele ho lona." Ba entse hoo.

²³⁷ Ha thoe, "Le thabe le nyakalle ka ho khapatseha." Ntho efe e *khapatsehang* se "nyolletsoe holimo koana," ho thaba haholo. 'Me barutuo, hoba ba fumanoe ba lokela ho jara sekhobo sa Lebitso la Jesu, ba ile ba nyakalla ka thabo e kholo haele moo ba khonne ho jara sekhobo sa Lebitso la Hae.

²³⁸ 'Me kajeno, batho ba bangata kajeno, haeba ba ka bitsoa mohalaleli mothethehi, ba ka kobotela, "Khili! Mohlomong ke ne ke fositse, le ho qaleng."

Empa ba ne ba e thabetse, “Oh, khele, ho jara Lebitso!”

²³⁹ ‘Me joale, palokholong ea bobeli, ba ne ba ba bitsa “*fapamokokotlo*.” Ke mohla Bakreste ba ne ba tloaetse ho jara sefapano mokokotlong oa bona, ho itšupa ba thakhisitsoe le Kreste. Ba ba bitsitse bo *fapamokokotlo*. Joale ke tseba Makatolike a ipitsa hoo, empa e ne e se kereke ea Katolike. E ne e le kereke ea Protestanta pele e bitsoa kereke ea Protestanta. E ne e sa hanyetse letho haese sebe. Lebaka leo kajeno e bitsoang kereke ea Protestanta ke hobane e hanyelitse e—e tšomo ea Katolike. Empa ke e...Eona, le joale, e ne e se moetlo mohlang oo, mohla ba ne ba reiloe bo *fapamokokotlo*.

²⁴⁰ Fumanang nalane ea Josefase le bangoli ba bang, le *Two Babylons* ea Hyslop, le tse joalo, le tla ho fumana ho nepahetse, hore e ne e se kereke ea letho. Kereke ea pele e hlophisitsoeng, e kileng ea botjoa, e ne e le kereke ea Katolike, lilemo tse ka bang makholo a mararo, mehleng ea lekhathe la—la baapostola ba ho qetela. Lilemo tse ka bang makholo a mararo hamorao, ho ne ho hlophisoe kereke ea Katolike. ’Me eaba ho tšoloha hloriso, ha qobelloa batho ho kena kereke ea Katolike, ba ile ba matahanya kereke le naha, tsa kopana.

²⁴¹ Mono e ne e le hamorao, taba e bitsitsoeng, tšokoloho ea Konstantine, ho tsoa ho boheitene ho ea ho Bokatolike. Empa, empa haeba motho a balile nalane ea hae, o ne a sa sokoloha, lintho tseo a li entseng. Oh, khili! Ntho e le ’ngoe ea borapeli eo a e entseng e le ho hloma sefapano holima kereke ea Mohalaleli Sophia. Ke eona feela ntho eo a kileng a e etsa, ho lekisa borapeli. E ne e le e—e mohanyetsi. Empa ba e bitsa tšokoloho ea hae—ea hae. Ekare se bitsoang litšokoloho tsa kajeno.

²⁴² Joale, empa, rea fumana, mohla Pauluse a ne a sokoloha a fuoa boiphihlelo bona ba makoma, o ne a hlanamisoe kannete.

’Me, u a tseba, *tšokollo* e bolela ho “retolosoa.” U habile ka nqa *ena*, u a retoloha u qala u leba ka nqa *ena*. E, monghali. Ke ho sokoloha, ho retolosa sefahleho.

²⁴³ ’Me Pauluse, hang hoba a sokolohe, le pele a ka sebelisa boiphihlelo ba hae...Joale, o ne a fumane boiphihlelo bo babatsehang.

Joale, kea lumela, ha u amohela Kreste, e le ’Moloki oa hao, ke boiphihlelo. Kea lumela, ke thabo ho tseba hoba sebe sa hao se tšoaretsoe, hoo ho nyakallisa pelō ea hao feela, ho ea joalo le joalo.

²⁴⁴ Empa ha Moea o Halalelang o bokoang o theoha, ke bona boiphihlelo, ke Tsoalo e ncha eo, eona u ke ke ua e lebala. U fetoha Ngoana oa Molimo. ’Me seo e se sebetsang ke sena.

“U e tseba joang, Moena Branham?”

²⁴⁵ Joale, tsena ke lithuto. Batho ba bangata, Methodists, ba leka ho re, “Ba hoelelitse mohla ba ne ba O fumana.”

Be, hoo ho itoketse. Haeba u O fumane, 'me u hooeletsa, ke botle. Kahobane u hooelelitse, e ne e se sesupo sa hobane u O fumane, hoba ba bangata ba hooelelitse 'me ba se na Oona.

²⁴⁶ Pentecostals ba itse, "Ba buile ka lipuo. Ba O fumane." Ho itoketse. Haeba u buile ka lipuo, u O fumane, ho lokile. Empa u ka bua ka lipuo u ntse u se na Oona. Ho thoeng?

²⁴⁷ Ka hona, ua bona, ebile, ke boiphihlelo ba ho tloha lefung ho kena Bophelong; mohla lintho tsa khale li shoang, lintho tsohle lia nchafala. Kreste o fetoha bonneta. Ntho ea khale e a fofoforeha, metso ea khale ea nama. U tseba kamoo ho chekoang motso kateng? Re ne re tloaetse ho tšoara mohoma oa khale re o khakhathé, re cheke hofihlela ho sa sala letho la oona. 'Me ba itse, "Ha motso oa bokhopo o mela kahare ho uena, o fothole." Ke hantle. 'Me ke seo Moea o Halalelang o se etsang, o fothola metso eohle. Ho e cheka. Ho e bokella; ho e chesa. Ho e falatsa. U thola sejalo sa makhonthe, haeba re etsa hoo.

²⁴⁸ Joale, Pauluse o tsebile ho etsahetse ho hong, ka hona o khutlela Arabia, teng a batlisisa Testamente ea Khale ea baporofeta lilemo tse tharo, kamoo ba porofetileng. 'Me eaba o khutla a E fumana e le 'Nete e tiileng.

²⁴⁹ Joale, bapisa hoo le kajeno, ua bona, ka boiphihlelo bona boo re bo fumaneng kerekaneng ena: ba Naleli ea Meso e hlahang koo, Leseli le leholo leo le theohileng, le khonang ho lepa le ho bontša lintho tse tla etsahala. U a tseba, hoo ho a babatseha. Empa moena oeso oa moreri o ile a mpolella, "E ne e le liabolosi." 'Me ke—ke sa e utloisise.

²⁵⁰ Ka baka leo, ka e khutsetsa hofihlela bosiu bo bong, eaba koana Green's Mill, Indiana, ho fihla boiphihlelo, mohla Lengeloi la Morena le ne le tsamaea fatše le ema mono, la ba la e kholisa ka Lengolo. Eaba e hotetsa mollo. Eaba e qala e tloha.

²⁵¹ 'Me Sontaha se fetileng feela, re bone mehlala e sa fanyeng ea Jesu Kreste, ea ka tšoarang motho ea eso tsamaee, 'me a sa ka a . . . Mothapo oa hae oa tekatekano o shoele, athe ba ha Mayo le lingaka tse khabane li boletse, "Ho felile, ka mehla." Le ho lula a foufetse; a ema a tsamaea a etsoa moahong, a qhoba setulo sa hae sa bakuli a theoha litepisi, a khona ho tsamaea a bona joaleka mang. Hoo ho supa matla a Morena Jesu ea tsohileng. Ke eona eo. Esale eèna maobane, kajeno, le ka mehla.

²⁵² Ka baka leo na ha re sehlopha se thabileng bosiung bona, ho tseba hore Molimo o kholisitse boiphihlelo bo boholo bona ba röna, haele moo bo bapa le Bibele ea Hae le lipallo? Ka baka leo re tlameha ho nyakalla ka ho khapatseha. 'Me rea elelloa ke hona, hore khaolong ea 2, rea fumana, "Re hlokomele ke hona hore lintho tsena ha li . . . Re se ke ra hlokomoloha lintho tsena." Re tšoanetse ho tiisetra linthong tseo.

'Me ana re tlil'o phonyoha joang, haeba re sa hlokomelé poloko ena e kana; . . .

²⁵³ Re tlil'o etsang, ho latela leseli la Lentsoe la Molimo, mohla re emang Setulong sa Kahlolo? U ke ke ua re, "Ke ne ke tsebe phapang." Oh, e, o khonne. "Be, joale, Moena Branham e ka ba o fositse." E nepahetse. Empa Molimo ha o a fosa. Lentsoe la Hae ha lea fosa. 'Me le nahane feela, ka ntho eona eo, Bibele, e kileng ea phela kahara baapostola, ba boetse ba phela kajeno. Oh, ho bokoe Lebitso la Morena!

²⁵⁴ Ha ke nahana hore lilemo tsa ka li mashome a mane a metso e robeli, ke atamela mashome a mahlano, 'me matsatsi a bocha ba ka a felile, le ntho tse joalo; kea tseba hore esale ke tšoara Tšepiso e bokoang ena ho tloha ke sa le moshanyana, 'me ke E boleletse baena ba heso le likhaiseli; 'me ho bua 'nete ke bone likete tse tsoang lefifing, kea tseba re ea Lehaeng la röna la Bosafeleng, le bokoang. "Efèla mohla tabernakele ena ea lefatše e senyehang," pele ke qeta ho rera, "re na le e re emetseng koana." Alleluia! Kea tseba mona ho lutse litosene tsa batho, bao, ekareng ha ba ka siea bophelo bona hona joale; le pele re neela motho ea patang mebele ea bona, ba tla be ba apere 'mele o khanyang koana, ba nyakalletse 'moho le bahalaleli ba Molimo, ba se ba kene ka pela Sefahleho sa Molimo, ho phela ka mehla. E teng netefatso e phethahetseng, e tiileng e reng ho joalo! Amen.

²⁵⁵ Oh, hoo ho ka hlabisa Presbyterian litlatse! E entse joalo, Sontaha ha ke re? [Phutheho e re, "Amen."—Mong.] Batho bao e ne e le Presbyterian. Ehlide e ka khona joalo, ho nahana. Oh, hase mohlolo ha batho ba sisimoha! Khele, efèla ha u sisimosoa ke ho otla bolo kapa ka ho lihela bolo ka hara seroto, u tla sisimosoa hakae ho tseba hore u tlohole lefung ho kena Bophelong, hore u 'Mopua e mocha ka ho Kreste! U e tseba ka mokhoa oo moea oa hao o u tlosang lonyeng, le manong, le bora, le linthong tsohle tsa lefatše. 'Me pelō ea hao e lutse e tsepame ho Kreste. Eo ke merero ea hao. Ke phetho seo mohopolo oa hao u se nahananang, ka pelōng ea hao, letšeare lohle le bosiu. Ha u ea robala bosiu, 'me u bea matsoho a hao ka mora hao, *tjena*, u robala mono feela u Mo rorisa hofihlela u khaleha. Ha u tsoha, hoseng, u sa ntse u Mo rorisa. Amen. Oh, khili!

²⁵⁶ Ke lekile ho Mo rorisa. Esale re tsoha hoseng ho hong le ho hong ka hora ea bone, 'na le Moena Woods, re kena hoseng haholo, ho ea tsoma sehlora. Ke Mo rorisa tlasa sefate ka seng, kea kholoa, seo ke fihlang ho sona. Ha ke bone sefate, ke sa Mo rorise. Nahanang, O melisitse sefate seo. Ho bona tsienyane e fofa; O tseba tsienyane eo. "Oh," u re, "bosaoana, Moena Bill." Oh, che, hase bona. O tseba moo sehlora ka seng se leng teng. O tseba moo serurubele ka seng se leng teng.

²⁵⁷ Khele, ka mohla o mong, O ne a hloka cheletana, eaba O re, "Petrose, hlapi e teng, nakoana e fetileng, e koentseng chelete,

e lekaneng feela, re hloka e kalo. Ea lahlela letlooa la hao. Ke tla e romela mono. Ntša chelete eo molomong oa eona, hoba e ke ke ea e sebelisa, ka boeona. O tlohe o lefe karolo ea rōna ea leshome le seabo.” Amen.

²⁵⁸ ’Me liveke tse ’maloa tse fetileng, ke bone hlatsoana e bolailoeng, e phaphamala holima metsi. Bohle le utloile pale ea eona. Moena Woods ke eo, le moena oa hae le bao mona ba ka e paka. Hlatsoana eo keha e rapaletse e shoele sebaka sa halofo ea hora, holima metsi, likahare tsa eona li tsoile le molomong oa eona. Eaba Moea o Halalelang o moholo o a theoha, hoba A bolele, letsatsi pele ho moo, “U tla bona tsoho ea phootsoana.” ’Me hoseng ho hlahlamang nkare, nakoana hoba letsatsi le chabe, ra bona hlatsoana eo, e sa fete bolelele bo bo *kalo*. Eitseha Moea oa Morena o theoha, ha thoe, “Hlatsoana tooe, Jesu Kreste o a u phelisa.” Eaba hlatsoana e shoeleng eo, esale e phaphamala holima metsi nako e ka etsang halofo ea hora, ea boela ea phela ea hlapa e tsamaea ka potlako e khonahalang. Oh, ho bokoe Lebitso la Morena. O babatseha ha hakakang!

²⁵⁹ Hase mohlolo Pauluse a ne a ka rialo, ho re, “E ne e le ea tšoanang le Melkisedeke.” E ne e le Melkisedeke. “Melkisedeke o ne a se na qaleho ea matsatsi. A se na qetello ea lilemo. A se na qaleho ea bophelo kapa qetello bophelong. A se na ntata leha e le ‘mè.’ Ka baka leo, E ne e ke ke ea eba e mong. E leng hore E ne e le mang, O sa phela le bosiusing bona. Ka baka leo, ke Eèna feela mofuta oa Bophelo Bosafeleng, ’me bona ke ba Molimo.

²⁶⁰ Maobane bosiu ha re ntse re qoqa, keha moena a sa utloisise triniti ea Molimo, le kamoo re neng re qoqa ka eona. Kamoo Jesu a neng a eme mono, e le Monna, oa lilemo tse ka etsang mashome a mararo. ’Me O itse... .

Ba ne ba re, “Oh, bontata rōna ba jele manna lefeelleng.”

²⁶¹ A re, “Athe bao, e mong le e mong oa bona, o shoele.” Empa A re, “Ke ’Na Bohobe ba Bophelo bo tsoang ho Molimo Leholumong, boo motho a boa jang ’me a sa shoe.”

²⁶² “Oh,” ba itse, “bontata rōna ba noele Lefikeng le lefeelleng.”

²⁶³ A re, “Lefika Leo ke ’Na.” Monna oa lilemo tse mashome a mararo. Ho thoe, “Abrahama o ile a thaba ho bona letsatsi la Ka.”

²⁶⁴ “Khele,” ha thoe, “joale U re ho rōna U thaka ea Abrahama, athe ha U eso tlole le lilemo tse mashome a mahlano, ho ea kang ha U re u bone Abrahama ea sa na shoe lilemo tse makholo a robeli? Rea U tseba u na le liabolosi joale. U a hlanya.” Ke seo... . Ke seo *liabolosi* e se bolelang, “motho ea hlanyang.” Ha thoe, “U na le liabolosi, ’me U a hlanya.”

²⁶⁵ A re, “Pele ho Abrahama, KE TENG.”

²⁶⁶ Ke seo A neng a le sona. E ne e se monna ea tloaelehileng feela, hape E ne e se moporofeta. E ne e le Molimo, Molimo o ahileng lefatšeng ka 'mele oa nama o bitsoang "Jesu," e—e Mora Molimo ea tileng nameng. E ne e le Eèna eo.

²⁶⁷ Joale, re Mo fihlela holimo mona, karolong ea ho qetela joale, e qetelang khaolo ea 2, ke eona eo ke batlang ho e fihlela, ho qala ka temana ea 16, kapa temana ea 15.

*'Me a lokotse bohole ba... le bohlankeng ka matsatsi
oohle a ho phela ha bona ka ho tšaba lefu—tšaba lefu.*

O boletse Jesu a entse hoo, hore O tlie ho ba lokolla bohlankeng, ba ho tšaba lefu ka matsatsi oohle a ho phela ha bona.

²⁶⁸ Joale lefu ha le hloke ho tšajoa. Joale, ehlile, re etsa joalo; rōna, ha ho mang oa rōna ea batlang, seo re se bitsang, ho *shoa*. Empa ana le tsebile motho ea tsoetsoeng labobel a ke ke a *shoa*? [Phutheho e re, "Amen."—Mong.] A ka rua Bophelo Bosafeleng joang a ntano *shoa*? A ke ke a khona. Ntho e le 'ngoe eo e leng lefu, lentsoe *lefū*, le bolela "karohano." Joale o tla arohana le leihlo la rōna. Empa o pela Sefahleho sa Molimo ka mehla, 'me o tla lula mono ka mehla. Ka baka leo, lefu hase ntho e boima. Lefu ke ntho e khanyang. Lefu ke lona le re isang ka pela Sefahleho sa Molimo.

²⁶⁹ Empa joale, ehlile, rōna, erekaha re le batho, re tsamaea hara lielemente tse lefifi tsena mona, ha re—re e utloisise ka tšoanelo. 'Me, ehlile, ha litlena tsa lefu li bipetsa, li tšosa li bile li honyetsa le bahalaleli ba rōna ba fetisang. Li qositse Mora Molimo ho re, "Na ebe senoelo see se ka feta?" Ke ntho e tsabehang. Le se e utloisise ka phoso. Hobane rōna... Ke moputso oa sebe, ke lefu, 'me le tlamehile ho tšabeha.

Empa holane re ka nyarela mose ho kharetene ea nako, koana, e hona mono. Ho bokoe Morena! Ka mose oane feela ho kharetene, ke moo motho a lakatsang ho sheba teng bosius bona. Anna Mae Snelling le bao ba ne ba tloaetse ho bina sefela mona, "Morena, Nke Ke Nyarele Mose Ho Lesira La Nako." Mang le mang o batla ho bona hoo.

²⁷⁰ Joale, ke rōna bana, temaneng ea 16. "Hobane kannete ha A ka a nka..."

*Hobane kannete ha a ka a inkela, holim'a hae tlhaho
ea mangeloi; empa o tletse leloko la Abrahama.*

²⁷¹ Oh, re batla ho e tšoara nakoana hape joale. Joale re theohela hantle ho fumana... Hoba, karolo ea pele ea khaolo ena ea bo 3, karolo ea eona ea ho qetela, e momahana le lona "letsatsi leo la sabatha," bakeng sa Sontaha sena se hlahlamang.

²⁷² Joale shebang.

...ha a ka inkela... tlhaho ea mangeloi;...

Joale, ebe “Eo” ke mang, eo a buang ka eëna? Kreste. Kreste ke mang? Molimo, Logos ea Molimo.

²⁷³ Joale ere ke boele ke e hlalose, le tle le kholisehe. Molimo hase Melimo e meraro. Botriniti ba Molimo ke a le Mong. Ntate, Mora, Moea o Halalelang, ha e bolele ho ena le Melimo e meraro e fapaneng. Haeba ho le joalo, ho röna ekabeba re bahetene. Lebaka leo Bajude ba sa utloisiseng. Ha eso rutoe kahara Bibebe. Joale, e rutoa kerekeng ea Katolike, ruri, ke hona moo kolobetso ea boraro e tsoang teng.

²⁷⁴ Koana Afrika ba kolobetsa makhetlo a mararo sefahleho se thulametse: hang ho Molimo Ntate; hang ho Molimo Mora; hang ho Molimo Moea o Halalelang. Joale, eo ke phoso. Lithuto tse joalo ha li eo kahara Bibebe. Ua bona?

²⁷⁵ ’Me joale, seo—seo ke sona seo ba se rutileng. E theohile ka Luther; ho tsoa ho Luther, ho kena ho Wesley; ea lelemela ho theoha le mengoaha ha e ntse e thetheha. Empa ha eso ka e fetoha thuto ea Bibebe. Esale e le phoso, ho tloha e qalile.

²⁷⁶ Joale, he, Molimo o no o le teng tšimolohong. Le pele ho hlaha leseli lefe, le pele ho hlaha atomo, le pele ho hlaha naleli, le pele ho hlaha eng le eng e ka bonoang, Molimo o no o tlatsitse sebaka sohle. ’Me kahara Hoo e le hloeko feela: lerato le hloekileng, khalaalelo e hloekileng, ho loka ho hloekileng. E ne e le Moea. O ne a tletse sebaka sohle ho tloha Bosafeleng, ebile re ka sitoa ho O nahana. O ka nqane ho ntho efe eo re ka e hopolang.

²⁷⁷ Ekare ho sheba ka galase, re ka bona e—e lilemo tse milione tse lekholo le ho hong tsa sebaka sa leseli. E nahaneeng. Lilemo tse limilione tse lekholo tsa sebaka sa leseli. ’Me nkare leseli—leseli le tsamaea ka lebelo la limaele tse likete tse robeli ka motsotsoana. ’Me lilemo tse lekholo le milione tsa sebaka sa leseli... Le nahane ekaba limaele tse milione tse kae. U ka sitoa ho li bala. U ka ngola mela ea borobong oa ba likolosa Jeffersonville, le joale ha u eso e arole ka limaele the limaele. E nahaneeng. ’Me ka nqane ho mono esale linaleli le lipolanete. ’Me Molimo, le pele eng ea tsona e hlaha, keha A le teng. Ua bona?

²⁷⁸ ’Me joale Logos e tsoileng ho Molimo, e neng e le e—e Logos, hona hohle ha qala ha ipha seboleho sa—sa ’mele. ’Me seboleho sa ’mele oona sa bitsoa, ha latela thuto ea baithuti, Logos, Logos e tsoileng ho Molimo. Ka mantsoe a mang, e—e lentsoe la eona le betere, e ne e le seo re se bitsang theofani. (Theofani ke ’mele o tlotsitsoeng oa motho.) Hase nama le mali joaloka mohla o fetoloang lekhatheng la oona le tlotsitsoeng, empa seboleho sa oona ekare sa ’mele o sa jeng oa motho, o sa noeng, empa ke—ke ’mele, ’mele o re emetseng hang feela mohla re fallang ho oona. Joale, ka mono, re kena kahara ’mele. ’Me ke ’mele oo Molimo o no o le ho oona, hoba O itse, “Ha re etseng motho ka setšoantso sa röna le ka ho tsoana ha röna.”

²⁷⁹ Joale, mohla motho a ne a le 'meleng oo, o ne a busa lihlapi tsohle, le tse rurang, le—le libatana tsa naha. "Me ho ne ho se motho ea lemang mobu," Genese 2. Mohlang A se a entse e motona le e motshəhali, empa ho se motho ea lemang mobu.

Eaba Molimo o etsa motho ka lerôle la lefatše. A mo fa letsoho le kang la—le kang la shimpanzi. A mo fa leoto le kang la bere. O ile a nea, A mo etsa, ka setšoantšo. 'Me 'mele oona oa lefatše o setšoantšong sa bophelo ba phoofolo, 'me o bopiloe ka lihlomo tse tšoanang. 'Mele oa hao o bopiloe ka lihlomo tse kang tsa pere, kapa tsa ntja, kapa tsa ntho efe e joalo. O entsoe ka khalsiamo, potashe, petroleamo, leseli la khosmiki. U mpa feela u... Nama eohle e joalo empa feela hase nama e le 'ngoe; ke nama e fapaneng, empa e entsoe ka lerôle la lefatše e leng moo e tsoang teng.

Empa, phapang lipakeng tsa phoofolo le motho, Molimo o kentse moea kahara motho, athe ha O a ka oa o kenya kahara phoofolo. Hobane, theofani eo ke moea o nong o le kahara motho.

Oh, ke—ke, ha ke sa tla fihla mono ho... thuto ena, empa ke tlameha ho fihla mona.

²⁸⁰ Shebang. Ana ha le hopole mohla Petrose a hlahletsoeng chakankaneng, 'me Lengeloi la Morena le fihla le bula menyako?

²⁸¹ Re ne re feta hara suphamakete holimo mona, letsatsi le leng, eaba monyako o buleha ka pela rōna. Ka re, "Ua tseba, Bibele ke eona e e qalileng pele." Ua bona? Joale, monyako oo o a ipula.

²⁸² 'Me eitseha Petrose a etsoa, a feta pela balebeli bana, keha ba foufetse ho eëna. O fetile pela molebeli ea kahare, pela molebeli ea kantle, a tsoela lebaleng le kantle, a feta leboteng, a kena seterateng. 'Me ha a ka a tsejoa ke motho. 'Me keha ba sa tsotelle... Ba mo hopotse e le molebeli e mong kapa ho hong. Bao... O ba fetile pela bona feela, eaba monyako o a ipula, ka nako ha a etsoa, oa boela oa ikoala. 'Me eitseha a fihla kantle mono, a nahana hore o ntse a lora. Eaba o tloha a ea tlung ea Johanne Mareka, moo ba tšoereng tšebeletso ea thapelo. 'Me o ne a kokota... [Moena Branham o kokota sefaleng. Sekheo lebanteng—Mong.]... ho ba hara lona.

²⁸³ Oh, O a khanya. O a babatseha.

Joale, oh, *ha a ka a etsoa ka tlhaho ea lengeloi; empa o inketse... peo ea Abrahama*. Molimo oa fetoha *peo ea Abrahama*.

²⁸⁴ Joale, hola re ena le nako, ho khutlela morao ho le bontša kamoo A e sebelitseng Selekaneng! Le nkutloile ke e rera, hangata, kamoo a kileng a tšoara liphoofolo tseo a li khekhetha, a boela a lahlela leebakhoroana le leeba. Eaba o a

sheba, 'me a bona mosinyana, botšo bo tsabehang, lefu. Ntho e latelang, e le sebopi se tukang, lihele. Empa, ka nqane, ha hlah Leseli le le nyenyane le lesoue. 'Me bosoeunyana boo ba feta hara mokhethetho o mong le o mong oa sehlabelo seo se khekhetiloeng, ho supa seo A tlāng ho se etsa. 'Me eaba O nka kano, hoba A etse hoo, eaba O ngola Selekané, ho supa seo A tlāng ho se etsa.

²⁸⁵ 'Me Eèna, Jesu Kreste, o tlie lefatšeng; Molimo, *Emmanuele*, "Molimo ka nama." 'Me mane Kalvari, O ile a khekhethoa. Eaba Moea oa Hae o khutlela holima Kereke. Eaba 'mele oa Hae o phahamisoa o lulisoa Teroneng ea Molimo.

Terone ea Molimo! Ea lutseng Teroneng ke Moahloli. Re tseba seo. Be, ebe Kahlolo e hokae? Ntate o neile... Ha A ahlole motho. Empa Ntate kahlolo eohle o neile Mora. Ka baka leo O a... 'Me Bophelo ba Hae ke Moprista e Moholo, ea lutseng ka 'mele oa Hae ka sebele, e le sehlabelo, ho buella maipolelo a rōna. Amen. Moena, taba eo e kenya lethonyana ka ho uena.

²⁸⁶ Lemohang, "O inketse Peo ea Abrahama." O ile a fetoha Monna. Molimo, oa etsoa nama hara rōna, ho re lopolla. Ka mantsoe a mang, Molimo oa fetoha sebe, hore rōna baetsalibe re be banka-kabelo ba a Hae. 'Me ha re nka kabelo ho Eèna, re nka kabelo ea Hae ea... Re ne re le batho ba tlase ba beiloeng tlasa nako, mashome a supileng. 'Me Molimo o theohile a fetoha e mong oa rōna, mashome a supileng, e le nako ea Hae baliloeng, re tle re khone ho nka kabelo ea Bophelo ba Hae Bosafeleng. 'Me ha re tsoaloa labobeli, re bara le barali ba Molimo, 'me re ruile Bophelo Bosafeleng, 'me re ke ke ra timela le ka mohla.

Oh, hase le—hase le—hase le Mopholosi ea bokoang hakakang! Oh, ha ho mokhoa ho e ngola. Ha ho mokhoa ho e hlalosa. E ka nqane ho tlhaloso. Ha ho mang ea ka hlalosang boholo ba Eona. "U moholo hakakang! U moholo hakakang!" e nèpahetse.

Ka baka leo ho ne ho tsoanetse hobane a ka etsoa ea tsoanang kahohle le bana Babo,... (Nahanang taba eo.)... e tle e be moprista e moholo ea mohau ea tsepehang litabeng tsa Molimo,... (Mamelang taba ena.)... a tle a etsetse... sebe tsa sechaba pheko.

Ho boelangoa, joale, Molimo, ea tsebang toka, a tlameha ho fetoha ea se nang toka, ho utloa seo moetsalibe a leng sona, ho khutlela morao ho boelanya, ka "pheko," le hore a tle a khone ho hauhela batho.

²⁸⁷ Temana e latelang, E mameleng mona.

Hobane erekaha a utloile bohloko...

²⁸⁸ Molimo o nong o ke ke oa utloa bohloko Moeeng. O no o tlamehe ho etsoa nama, ho utloa bohloko ba maloetse, ho latsoa teko ea takatso, ho latsoa teko ea ho hloka, ho latsoa teko ea tlala, ho latsoa matla a lefu. Hore A tle a khone ho Ikemela ka pela Sefahleho sa Jehova Moea o moholo, Moea, e seng Monna; Moea, ho etsa pheko bophelong bona. 'Me Jesu o apere hoo, hore a tle a khone ho re etsetsa pheko, kahobane A tseba maikutlo a eona. Ha u kula, O tseba maikutlo a hao. Ha u lekoa, O tseba maikutlo a hao.

²⁸⁹ Joale, na le eleletsoe ha re voutela presidente, sehoai se tla voutela mopresidente e kileng ea eba sehoai, kahobane a tseba maima a bophelo ba sehoai. Ua bona? O batla monna ea utloisisang.

²⁹⁰ 'Me le pele Molimo a ka utloisia; Eèna e leng Khalalelo eo e kholo. Ebe O ne ka utloisia joang, ka mora hoba A ahlole motho? Ka khalalelo ea Hae, O ile a ahlolola motho. 'Me mokhoa o le mong oo A ka tsebang ho lokafatsa motho ke ho fetoha motho.

²⁹¹ 'Me eaba Molimo o khurumetsa moroetsana o hlahisa 'mele, e seng mali a Bojude, e seng mali a Molichaba, empa Mali a Hae ka Sebele. Mali a hloliloeng a Molimo, ketso ea bong e le sieo, mono ho hang, takatso ea bong e le sieo. 'Me Sele ena ea Mali, e hloliloeng popelong ea mosali enoa, e hlahisitse Mora. 'Me mohla A ne a kolobetsoa ke Johanne Mokolobetsi, Johanne o itse, "Ke pakile, ke bone Moea oa Molimo (eka leeba) o theoha o lula holima Hae."

²⁹² Ha ho makatse Jesu a ne a ka bua, a rialo, "Matla oohle a Leholidong le lefatšeng a beiloe letsohong la Ka." Molimo le motho ba eba Bang. Maholimo le lefatše li kopela, 'me ke Eèna ea neng a ka hlahisa pheko ea sebe sa rôna. Ka lona lebaka leo, pholiso e etsoa, ka Lebitso la Hae. O tseba bohloko ba hao.

²⁹³ Ana le utloile nthoana ena, sefela sa khale?

Jesu o tseba lehlaba la hao, A ka pholosa A
folisa;
Isa moroalo oa hao ho Morena u siee mono.

Ke hantle. O a tseba.

Mebele ea rôna ha e tloketsoe ke lehlaba,
bophelo ba rôna bo sa khutle,
Hopola Molimo Leholidong o arabela
thapelo;
Jesu o tseba bohloko ba hao, A ka pholosa A
ka folisa;
Isa moroalo oa hao ho Morena u siee mono.

²⁹⁴ Ke phetho seo A se kopang, "O siee mono." Hobaneng? Ke Moprista oa rôna e Moholo ea emeng mona, ea tsebang bohloko ba hao. 'Me O tseba ho u khutlisetsa mohaung, le ho u

buseletsa monate oa 'mele oa hao. O tseba tsohle tse amanang le eona; O ile a utloa bohloko. Mohla hlooho ea hao e se nang moo e sameloang; O fetile moo. Ha o fetola liaparo hang; O fetile moo. Ha u songoa, o hlorisoa; O fetile moo.

²⁹⁵ Mamelang temana ena ea ho qetela joale. Ho lokile.

...ke kahoo a tsebang ho thusa bao ba lekoang.

Kapa, ka mantsoe a mang, O khona ho *baballa* bao, ho *thusa* bao, ho etsa bao...ho ba *utloelabohloko*. Hobane, Molimo ka Boona o ile oa fetoha monna, hore a tle a khone ho e latsoa.

²⁹⁶ Hopolang, bosiu bo bong, na ha rea ruta hoo? Kamoo Molimo a neng a tlamehile ho...Sebe se kile sa kokosa tsenene, tšoso ho sona. "Ba ne ba lutse tlasa bohlanka ba *lef* lena matsatsi oohle a bophelo ba bona." Eaba Jesu o a tla, hore A tle a fothole tsenene eo ea lefu.

'Me mohla A ne a nyoloha thaba, le sa hopola papiso ea rōna? Mathebana a makhubetsoana ao seeparong sa Hae, hamorao a kolla a fetoha letheba le le leng, la hafatsa Mali mathokong a Hae. 'Mejana oa Hae, o tserema hona, A sa khone ho tsoelapele, 'me eaba O a oa. Simone Cyrene, monna oa 'mala, a Mo thusa ho jara sefapano ho nyoloha leralla.

'Me ha ba Mo khokhothela sefapanong, A hooeletsa a batla metsi. Motho ofe ea fophang mali o hloka metsi.

²⁹⁷ Le sa hopola ha ke rera bosiung bo bong ka "Ha khama le tšepe li tsetselela metsi a molatsoana, moea oa ka o tsetselela Uena, oho Molimo"? Khama ha e lemetse 'me e phela, elahleheloa ke mali, e tlameha ho fumana metsi ho seng joalo e tla shoa.

²⁹⁸ Nkile ka thunngoa, tlase naheng, ke sa le lilemo tse leshome le metso e mene. 'Me keha ke robetse mono. Meomo ea ka e phatlotsoe, ekare hambekha, ke sethunya sa ligeige tse leshome le metso e mmeli. 'Me ka hooeletsa ke batla metsi, "Oh, mpheng metsi!" Ke shoele litho; melomo ea ka e shoele bohatsu.

²⁹⁹ Mphato oa ka a mathela letšeng la khale, le tletse libokoana tsa mefuta eohle, mohlaka. Ke sa tsotelle. Eaba o e hulanya a e tlatsa metsi, ka bula molomo oa ka, a hlotlela katiba ea hae joalo, ka molomong oa ka tsela eo. U tlameha ho fumana metsi.

³⁰⁰ O ne a fopha mali. O itse, "Mpheng ke noe." Eaba ba Mo fa asene ka seponse, 'me A e hana, ho e nyemotsa. E ne e le Konyana ea Molimo e emelang rōna, ho tlisetsa morabe oa batho pheko. E ne e le eng? Molimo oa Leholimo.

³⁰¹ Billy Sunday o kile a bua, a re, "Sehlahla se seng le se seng keha se lutsoe ke Mangeloi, a ntse a re, 'Lokolla letsaho la Hao feela u supe ka monoana oa Hao, Re tla fetola maoa.'"

³⁰² Sehlopha se phoqang seo sa mahlanya a borapeli, se reiloeng baithuti ba baholo ba rutehileng ba D.D., Ph.D., ba

ile ba feta pela Hae ba re, “Joale, ha fèla u le Mora oa Molimo! U pholositse ba bang; uena ha u khone ho ipholosa. Theoha sefapanong, re tla lumela ho uena.”

³⁰³ Ha ba ka ba tseba hore ba Mo thooletsa. A ka be a khonne ho Ipholosa. Empa holane A Ipholosa, A ka be a sa pholosa ba bang. Ka baka leo, O ile a Inehela. Ho bokoe Lebitso la Hae. O ile a Inehela, hore 'na ke tle ke bolokehe le uena u tle u bolokehe. Oh, lerato le le kakang le ke keng la lekanngoa!

³⁰⁴ O ne a sa tlameha ho kula. 'Mele o thekothata oo o tsoetsoeng ke moroetsana o ne o sa tlameha ho kula. Empa O ile a kula, hore A tle a tsebe ho nkemela mohla ke neng ke kula.

³⁰⁵ O ne a sa tlameha ho khathala, empa O ile a khathala. Ke balile nalane e nyenyane mabapi le eona ka mohla o mong, ha ke tsebe haeba e ne e netefalitsoe kapa che. “Mohla A tsosang moshanyana eo oa Naine mono, ho mo tsosa bafung, O ile a lula holima lefika a feheloa ke hlooho e opang,” hobane A ne a tlamehile ho jara maloetse a rōna.

³⁰⁶ O ne a tlamehile ho jara sebe sa rōna, 'me teng A shoa, le holima Kalvari mohla notši eo ea khale le lefu e ileng ea tsetela tsenene ea eona. Mang le mang o a tseba, ha notši e tsetela tsenene ea eona, ha e sa tla hlaba hape. Ha notši e fofa e tloha kapa kokonyana efe e hlabang, ha e tsetela tsenene ea eona, e fothola tsenene ea eona. E sa ntse e le notši empa ha e sa na tsenene. Eka bobola ea tlatsa lerata le le ngata ke phetho.

³⁰⁷ Ke phetho seo lefu le ka se etsang ho molumeli, ke ho tlatsa lerata le le ngata feela. Empa, alleluia, ho bokoe Lebitso la Morena, tsenene eo ea lefu O e tsetetse nameng ea Hae ka sebele. Ke Emmanuel ea e sebelitseng. Ho boela a tsoha, ka letsatsi la boraro, a hula tsenene a e hlochlora mono, 'me bosiusing bona ke oa Bosafeleng. 'Me Moea oa Hae o kahara moaho oona, 'me O Ipaka a phela hara rōna. Eo ke Messia oa rōna. Eo ke Moloki oa rōna ea bokoang.



BUKA EA BAHEBERU

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org